

Nemlich/das D. Luther damaln seine grosse Bekändnis vom Nachtmal gleichsam habe sincken vnd fallen lassen. Sondern das widerspiel viel mehr / kan gewaltiglich auß den Worten Sleidani erwiesen werden. Dem weil ja die streitige Parteyen sich auff des Landgraffen begeren / zu Marburg dahin erkläret / daß sie mit den widerwertigen schrifften / ein zeitlang inen halten wollen / ob vielleicht durch Gottes gnad / die zeit selbst den diesem zant rathen vnd abheiffen wolte / So ist ja gewißlich dannenhero zu schliessen / das auch im Artikel vom Abendmal / D. Luther vnd Zwingel sich nicht verglichen / vnd demnach D. Luther auff seiner Confession bestendig verharret / also gar / das er auch im geringsten nicht / dieselbige weder sincken noch fallen lassen.

So ist auch droben / bey hindertreibung des andern Calvinischen Consiij oder Nachschlags / das contrarium oder widerspiel / auß dem Berichte Herrn Philippi / an den Churfürsten Johannem zu Sachsen / mächtiglich dargerhan vnd erwiesen worden / daß nemlichen die Unserigen / dem Zwingel nicht eines haares breit gewichen / viel weniger aber zu desselben Lehr sich geneiget / also gar / das sie auch dem Zwingel die dexteram fraternitatis,

tis,